

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 458644 24 St
Tuzla, 25.10.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „AB-BATA“ d.o.o. za proizvodnju, promet i usluge Tuzla, Šićko polje b.b., sa poslovnicom „AB-BATA“ d.o.o. za proizvodnju, promet i usluge Tuzla, Poslovna jedinica br. 1, Mrčevci b.b., Mrčevci, opština Laktaši, nakon provedenog stečajnog postupka, donio je dana 25.10.2024. godine sljedeće:

RJEŠENJE

OTVARA SE stečajni postupak nad imovinom dužnika „AB-BATA“ d.o.o. za proizvodnju, promet i usluge Tuzla, Šićko polje b.b., sa poslovnicom „AB-BATA“ d.o.o. za proizvodnju, promet i usluge Tuzla, Poslovna jedinica br. 1, Mrčevci b.b., Mrčevci, opština Laktaši, matični broj subjekta 1-13785, JIB: 4209791940002, račun broj: 1321102000310335 otvoren kod NLB banka d.d. Sarajevo.

Za stečajnog upravnika imenuje se Emir Nuhanović iz Živinica.

ZAKLJUČUJE SE stečajni postupak nad imovinom dužnika „AB-BATA“ d.o.o. za proizvodnju, promet i usluge Tuzla, Šićko polje b.b., sa poslovnicom „AB-BATA“ d.o.o. za proizvodnju, promet i usluge Tuzla, Poslovna jedinica br. 1, Mrčevci b.b., Mrčevci, opština Laktaši, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 458644 24 St od 22.02.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva „AB-BATA“ d.o.o. za proizvodnju, promet i usluge Tuzla, Šićko polje b.b., sa poslovnicom „AB-BATA“ d.o.o. za proizvodnju, promet i usluge Tuzla, Poslovna jedinica br. 1, Mrčevci b.b., Mrčevci, opština Laktaši, a za privremenog stečajnog upravnika imenovana je Emir Nuhanović iz Živinica, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 22.03.2024. godine. Iz izvještaja privremenog stečajnog upravnika i navoda datih na ročištu proizilazi da je društvo ne obavlja poslovnu djelatnost duži vremenski period, da su računi blokirani od 2008. godine s tim da je posljednji račun društva blokirani 2018. godine od kada postoji i platežna nesposobnost društva Društvo ima obaveze prema PU po rješenjima u ukupnom iznosu od 104.181,29 KM, te UIO BH u iznosu od 17.671,80 KM, uz napomenu da dug prema PU nije definitivno utvrđen s obzirom da je ista odbila izdavanje uvjerenja o iznosu dugovanja iz razloga što poreski obveznik nije podnio sve porezne prijave. Prema raspoloživim podacima nije utvrđeno postojanje obaveza prema trećim licima. Društvo nema bilo kakve imovine iz koje bi se mogli finansirati troškovi stečaja niti namiriti povjerioci, u svom vlasništvu nema nepokretnosti, pokretnih stvari, novčanih sredstava niti bilo kakve druge imovine.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka, a direktor društva je stupanjem na snagu novog zakona o stečaju i po saznanju da je u roku od 60 dana od nastanka platežne nesposobnosti obavezan podnijeti prijedlog preduzeo radnje radi prikupljanja dokumentacije te je podnio prijedlog.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 07.06.2023. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 04.04.2024. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 30/24 dana 24.04.2024. godine, oglasnoj tabli suda dana 05.04.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinić

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.

